

Orde do ____ de maio de 2024 pola que se convoca concurso específico de méritos entre persoal funcionario de carreira e en prácticas do corpo de mestres para cubrir, en comisión de servizos, postos de escolarización a alumnado de atención preferente (código de procedemento ED013B)

O Decreto 244/1999, do 29 de xullo, polo que se regula a cobertura de diversas prazas por persoal funcionario público docente que imparte ensinanzas de niveis non universitarios, prevé no seu artigo 3.2, que as prazas que nel se indican poderán ser cubertas mediante o correspondente concurso específico de méritos e polo prazo que se determine na convocatoria. As devanditas prazas deberán ser provistas a través dun concurso específico de méritos mediante nomeamento temporal con reserva do posto de traballo de orixe e polo tempo que se estableza na correspondente convocatoria que, en ningún caso, poderá exceder en máis de seis anos.

A escolarización do alumnado de atención preferente en centros ordinarios que, por non ser de escolarización preferente, non van contar con recursos humanos permanentes, aconsella unha certa permanencia do mestre ou mestra co alumnado, de ser posible, durante unha etapa educativa, evitando un cambio de docente cada curso académico. Posto que estas necesidades educativas teñen un carácter temporal e non poden cubrirse con carácter definitivo, procede a súa provisión en réxime de comisión de servizos, sen prexuízo de que este profesorado atenda outras posibles necesidades existentes no centro.

Por outra banda, a Orde do 2 de xuño de 2021 (DOG n.º 112, do 15 de xuño) regula o contido, uso e acceso ao expediente do persoal funcionario dos corpos docentes e do persoal laboral docente que imparte as ensinanzas reguladas na Lei orgánica 2/2006 (código de procedemento ED011A).

Nesta orde régúlase como se actualiza o expediente persoal e que todos os datos que consten neste se empregarán na tramitación e valoración de requisitos e méritos nos correspondentes procesos de selección de persoal, provisión de postos de traballo, procesos de desenvolvemento profesional, así como aqueloutros que sexan necesarios para a xestión do persoal docente.

Pola súa vez, a Lei 39/2015, do 1 de outubro, do procedemento administrativo común das administracións públicas, estableceu para os/as empregados/as públicos/as a obriga de relacionarse coas administracións públicas mediante medios electrónicos para os trámites e actuacións que realicen con elas por razón da súa condición de empregado/a público/a, na forma que determine regulamentariamente cada Administración. Así mesmo, a Lei 4/2019, do 17 de xullo, de administración dixital de Galicia, dota o ordenamento xurídico autonómico dunha regulación única que sistematiza nun único corpo toda a regulación relativa ás relacións dixitais ad extra e ad intra no sector público autonómico de Galicia e promove un réxime xurídico novo na administración dixital do sector público autonómico de Galicia. Neste sentido, a Administración deberá impulsar a introdución na xestión pública de novas ferramentas, servizos e procesos de prestación da actividade para o seu persoal empregado público. Por esta razón, a convocatoria deste ano introduce a solicitude de participación neste concurso específico unicamente por medios electrónicos.

Xa que logo, debido a necesidade de cobertura dos postos de escolarización a alumnado de atención preferente e, en virtude da habilitación que consta na disposición derradeira primeira do Decreto 244/1999, do 29 de xullo, realízase a súa convocatoria pública .

Para estes efectos, a Consellería de Educación, Ciencia, Universidades e Formación Profesional

DISPÓN:

Base primeira. *Obxecto*

Convocar un concurso público específico de méritos entre persoal funcionario de carreira e persoal funcionario en prácticas do corpo de mestres dependente do ámbito de xestión desta comunidade autónoma, para a cobertura en réxime de comisión de servizos de postos de escolarización a alumnado de atención preferente (código de procedemento ED013B)

Base segunda. *Vacantes que se convocan*

As prazas que se ofertan neste procedemento de cobertura relaciónanse no anexo II (Vacantes) desta orde, recollendo, entre outras cuestións, requisitos, centro de destino, características, especialidade e o seu número.

Base terceira. *Persoal participante e requisitos xerais*

Poderá participar nesta convocatoria o persoal funcionario de carreira e en prácticas do corpo de mestres do ámbito de xestión desta comunidade autónoma que estea nalgunha das seguintes situacións:

a) o persoal funcionario de carreira e en prácticas que estea en situación de servizo activo en centros públicos dependentes da Consellería de Educación, Ciencia, Universidades e Formación Profesional. Enténdese incluído nesta epígrafe o persoal funcionario de carreira desta consellería que estea en comisión de servizos fóra desta comunidade autónoma.

b) o persoal funcionario de carreira que estea en situación de servizos especiais, excedencia por coidado de familiares, excedencia por razón de violencia de xénero ou violencia sexual ou excedencia por razón de violencia terrorista.

Tamén poderá participar o persoal funcionario de carreira que estea en situación de excedencia voluntaria concedida pola Consellería de Educación, Ciencia, Universidades e Formación Profesional, e se se trata do suposto de excedencia voluntaria por interese particular recollida no artigo 173 da Lei 2/2015, do 29 de abril, do emprego público de Galicia, só poderán participar se ao finalizar o curso escolar en que se realice esta convocatoria teña transcorrido un ano desde que pasaron a esta situación.

c) O persoal funcionario de carreira que teña destino definitivo nun centro do estranxeiro e teña que reincorporarse á Comunidade Autónoma de Galicia no inicio do curso académico 2024/25.

d) O persoal funcionario en prácticas, que superou o procedemento selectivo pola quenda libre ou de reserva de persoas con discapacidade.

As persoas participantes no concurso por esta alínea d) farano con cero puntos.

O persoal participante deberá posuír a especialidade e, de ser o caso, o requisito específico que se requira para cada praza.

Base cuarta. Requisitos específicos de participación

O persoal docente funcionario de carreira e en prácticas do corpo de mestres do ámbito de xestión desta comunidade autónoma debe posuír e acreditar na data en que finalice o prazo de presentación de solicitudes (base sexta) o coñecemento da lingua galega.

Para estes efectos, deberá posuír o certificado de lingua galega (Celga 4) ou ter superado o curso de perfeccionamento de lingua galega; ter a validación correspondente; telo superado a través da proba libre ou posuír o nivel avanzado de galego da escola oficial de idiomas das ensinanzas reguladas polo Real decreto 1629/2006, do 29 de decembro, ou o nivel intermedio B2 das ensinanzas reguladas polo Real decreto 1041/2017, do 22 de decembro. Para estes únicos efectos, entenderase que reúnen este requisito as persoas que superaron a proba de coñecementos da lingua galega no procedemento selectivo de ingreso ou acceso ao corpo docente dende o que participa.

Base quinta. Solicitudes, presentación de requisitos, méritos e documentación complementaria

5.1 As solicitudes presentarase obrigatoriamente por medios electrónicos a través do formulario normalizado dispoñible na sede electrónica da Xunta de Galicia, <https://sede.xunta.gal>. (Anexo I).

De conformidade co artigo 68.4 da Lei 39/2015, do 1 de outubro, do procedemento administrativo común das Administracións Públicas, se algunha das persoas interesadas presenta a súa solicitude presencialmente, requiriráselle para que a emende a través da súa presentación electrónica. Para estes efectos, considerarase como data de presentación da solicitude aquela na que fose realizada a emenda.

Para a presentación electrónica das solicitudes poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.gal/chave365>).

O persoal concursante poderá solicitar ata un máximo de dez (10) prazas.

Cando se concurse por máis dunha especialidade, o persoal concursante presentará unha única solicitude. No caso de presentar máis dunha solicitude do mesmo tipo soamente se admitirá a última presentada na sede electrónica da Xunta de Galicia neste procedemento normalizado.

5.2. Documentación complementaria.

5.2.1 As persoas interesadas deberán achegar coa solicitude (anexo I) a seguinte documentación:

-Folla de autobaremación que figura como anexo IV.

En relación cos requisitos esixidos e méritos obxecto de baremación, o persoal concursante deberá proceder do modo que se indica a seguir:

-Persoal concursante con expediente actualizado.

De conformidade co establecido no artigo 4.3 da Orde do 2 de xuño de 2021 pola que se regulan o contido, uso e acceso ao expediente do persoal funcionario dos corpos docentes e do persoal laboral docente que imparte as ensinanzas reguladas na Lei orgánica 2/2006 (código de procedemento ED011A), todos os datos, tanto de identificación como académicos e profesionais que obren no expediente empregaranse na tramitación e valoración de requisitos e méritos nos correspondentes procesos, entre outros, de provisión de postos de traballo, de xeito que non é necesaria a súa xustificación.

O persoal concursante poderá verificar todos os requisitos e méritos que constan no seu expediente persoal accedendo a páxina web www.edu.xunta.gal/datospersoais, lapela Expediente electrónico.

De estar recollidos todos os requisitos e méritos susceptibles de baremación de conformidade co Anexo IV (Folla de autobaremación) desta convocatoria, o persoal concursante unicamente deberá presentar a solicitude de participación no concurso específico de acordo co establecido no apartado primeiro desta base.

-Persoal concursante con expediente sen actualizar.

No prazo de presentación de solicitudes establecido na base sexta desta convocatoria, o persoal docente que participe no concurso específico e non teña o seu expediente actualizado, ademais de presentar a solicitude de participación no concurso específico por medios electrónicos (código de procedemento ED013B), deberá presentar a solicitude de actualización e/ou modificación do expediente xunto coa documentación xustificativa de acordo co establecido no artigo 7 da Orde do 2 de xuño de 2021 pola que se regulan o contido, uso e acceso ao expediente do persoal funcionario dos corpos docentes e do persoal laboral docente que imparte as ensinanzas reguladas na Lei orgánica 2/2006 (código de procedemento ED011A).

A Comisión de selección á que se fai referencia na base décima será a competente para a verificación da documentación presentada no procedemento código ED011A e posterior incorporación ao expediente do persoal docente, sen prexuízo do establecido no artigo 6.1 da Orde do 2 de xuño de 2021 no relativo ás competencias de recoñecemento, certificación e rexistro das actividades de formación do profesorado.

A nova baremación resultante dos méritos alegados reflectirase no baremo do concurso específico cando as novas alegacións sexan validadas, de ser o caso, por esta comisión.

5.2.2 A documentación complementaria deberá presentarse electronicamente.

Se algunha das persoas interesadas presenta a documentación complementaria presencialmente, requiriráselle para que a emende a través da súa presentación electrónica. Para estes efectos, considerarase como data de presentación aquela na que fose realizada a emenda.

As persoas interesadas responsabilizaranse da veracidade dos documentos que presenten. Excepcionalmente, cando a relevancia do documento no procedemento o exixa ou existan dúbidas derivadas da calidade da copia, a Administración poderá solicitar de maneira motivada o cotexo das copias achegadas pola persoa interesada, para o que poderán requirir a exhibición do documento ou da información orixinal.

5.2.3. Sempre que se realice a presentación de documentos separadamente da solicitude deberase indicar o código e o órgano responsable do procedemento, o número de rexistro de entrada da solicitude e o número de expediente se se dispón del.

5.2.4 No caso de que algún dos documentos a presentar de forma electrónica superase os tamaños máximos establecidos ou tivera un formato non admitido pola sede electrónica da Xunta de Galicia, permitirase a presentación deste de forma presencial dentro dos prazos previstos e na forma indicada no número anterior. A información actualizada sobre o tamaño máximo e os formatos admitidos pode consultarse na sede electrónica da Xunta de Galicia.

5.3 Comprobación de datos

Para a tramitación deste procedemento consultarase automaticamente os datos incluídos nos seguintes documentos en poder da Administración actuante ou elaborados polas Administracións públicas agás que a persoa interesada se opoña á súa consulta:

- DNI/NIE da persoa solicitante
- DNI/NIE da persoa representante.

5.4. No caso de que as persoas interesadas se opoñan a esta consulta, deberán indicalo no recadro habilitado no formulario correspondente e achegar os documentos. Cando así o esixa a normativa aplicable solicitarase o consentimento expreso da persoa interesada para realizar a consulta.

5.5. Excepcionalmente, no caso de que algunha circunstancia imposibilitase a obtención dos citados datos, poderáselles solicitar ás persoas interesadas a presentación dos documentos correspondentes.

Base sexta. *Prazo de presentación de solicitudes*

O prazo de presentación de solicitudes do concurso específico, mediante o procedemento normalizado ED013B, será de cinco (5) días hábiles desde o día seguinte ao da publicación desta convocatoria pública no *Diario Oficial de Galicia*. Finalizado este prazo non se admitirá ningunha nova solicitude nin a modificación das presentadas e os seus termos terán carácter vinculante para as persoas solicitantes. Así mesmo, tampouco se admitirá ningunha documentación complementaria alegada mediante o procedemento ED011A, de conformidade co establecido na subepígrafe 5.2.1 da base quinta, unha vez finalizado o prazo de presentación de solicitudes do concurso específico.

Base sétima. *Data en que se deben reunir os requisitos de participación e de méritos*

Todos os requisitos de participación así como os méritos alegados teñen que reunirse na data de finalización do prazo de presentación de solicitudes, e serán acreditados na forma que se establece na presente convocatoria.

Non serán tidos en conta aqueles méritos alegados que non fosen debidamente xustificadas no prazo de presentación de solicitudes establecido na base sexta así como aqueles que non se presenten por medios electrónicos e de acordo co establecido na Orde de 2 de xuño de 2021 (ED011A).

O requirimento establecido para emendar defectos, conforme o previsto no artigo 68 da Lei 39/2015, do 1 de outubro, efectuarase mediante a resolución provisional da Comisión de Selección pola que se publica a proposta de adxudicación provisional das prazas, o baremo provisional, a relación provisional de persoas admitidas e excluídas e a causa da súa exclusión.

Base oitava. Notificacións

8.1. As notificacións de resolucións e actos administrativos practicaranse só por medios electrónicos, nos termos previstos na normativa reguladora do procedemento administrativo común.

8.2. De conformidade co artigo 45.2 da Lei 4/2019, do 17 de xullo, de administración dixital de Galicia, as notificacións electrónicas practicaranse mediante a comparecencia na sede electrónica da Xunta de Galicia e a través do sistema de notificacións electrónicas de Galicia, Notifica.gal. Este sistema remitirá ás persoas interesadas avisos da posta a disposición das notificacións á conta de correo e/ou teléfono móbil que consten na solicitude. Estes avisos non terán, en ningún caso, efectos de notificación practicada e a súa falta non impedirá que a notificación sexa considerada plenamente válida.

8.3. De conformidade co artigo 47 da Lei 4/2019, do 17 de xullo, de administración dixital de Galicia, as persoas interesadas deberán crear e manter o seu enderezo electrónico habilitado único a través do Sistema de Notificación Electrónica de Galicia - Notifica.gal, para todos os procedementos administrativos tramitados pola Administración xeral e as entidades instrumentais do sector público autonómico. En todo caso, a Administración xeral e as entidades do sector público autonómico de Galicia poderá de oficio crear o indicado enderezo, aos efectos de asegurar o cumprimento polas persoas interesadas da súa obriga de relacionarse por medios electrónicos.

8.4. As notificacións entenderanse practicadas no momento no que se produza o acceso ao seu contido, entendéndose rexeitada cando transcorresen dez días naturais desde a posta a disposición da notificación sen que se acceda ao seu contido.

8.5. Se o envío da notificación electrónica non fose posible por problemas técnicos practicarase a notificación polos medios previstos na normativa reguladora do procedemento administrativo común.

Base novena. Trámites administrativos posteriores á presentación de solicitudes

Todos os trámites administrativos que as persoas interesadas deban realizar trala presentación da solicitude deberán ser efectuados electronicamente accedendo á Carpeta cidadá da persoa interesada dispoñible na sede electrónica da Xunta de Galicia.

Base décima. Comisión de selección

10.1. A selección do persoal aspirante será realizada por unha comisión, nomeada pola persoa titular da Dirección Xeral de Centros e Recursos Humanos, integrada polas seguintes persoas membros:

Presidencia: a persoa titular da Subdirección Xeral de Recursos Humanos ou persoa en quen delegue.

Vogais: ata un máximo de tres vogais, elixidos/as entre persoal funcionario de carreira que ocupe postos de xefatura de servizo ou xefatura de sección da Consellería de Educación, Ciencia, Universidades e Formación Profesional ou membros da inspección educativa, e un/unha vogal membro dos equipos de orientación específicos.

Secretaría: unha persoa funcionaria da Consellería de Educación, Ciencia, Universidades e Formación Profesional, que actuará como secretario ou secretaria con voz e sen voto.

Ademais poderá asistir á comisión unha persoa representante de cada organización sindical con presenza na mesa sectorial docente non universitaria, con voz e sen voto.

10.2. Para a valoración dos apartados 1, 2, 3, 4.3 e 4.4 do baremo establecido no anexo III (Baremo) a comisión de selección poderá delegar esta función nunha subcomisión formada por persoal funcionario da Consellería de Educación, Ciencia, Universidades e Formación Profesional.

10.3. As persoas membros da comisión e, de ser o caso, da subcomisión, estarán suxeitos ás causas de abstención e recusación establecidas nos artigos 23 e 24 da Lei 40/2015, do 1 de outubro, de réxime xurídico do sector público, e terán dereito a percibir asistencias e axudas de custo por concorreren ás sesións, conforme ó Decreto 144/2001, do 7 de xuño, sobre indemnizacións por razón do servizo ó persoal con destino na Administración autonómica de Galicia. (DOG n.º122, do 25 de xuño) estando cualificadas na categoría primeira.

Base décimo primeira. *Funcións da Comisión de selección*

A Comisión a que se fai referencia na base anterior terá as seguintes funcións:

- a) Comprobar que as persoas solicitantes reúnen os requisitos de participación, de cobertura das prazas solicitadas así como a valoración dos méritos
- b) Ditar a resolución pola que se aproba e publica, no portal da internet da consellería www.edu.xunta.gal, a relación provisional de persoas admitidas xunto co baremo provisional e a proposta de adxudicación provisional, así como daquelas que se exclúen provisionalmente, coa causa de exclusión
- c) Resolver as reclamacións que se presenten contra a antedita resolución provisional.
- d) Ditar a resolución pola que se aproba e publica, no portal da internet da consellería www.edu.xunta.gal, a relación definitiva de persoas admitidas, xunto co baremo definitivo e a proposta de adxudicación definitiva, así como daquelas que se exclúen definitivamente, coa causa de exclusión.
- e) Proporlle ao órgano de resolución, isto é, á persoa titular da Consellería de Educación, Ciencia, Universidades e Formación Profesional a adxudicación das prazas ofertadas ás persoas previamente seleccionadas.

Base décimo segunda. *Resolución provisional, reclamacións e renuncias*

Unha vez transcorrido o prazo de presentación de solicitudes e realizada a comprobación dos requisitos e a valoración dos méritos pola Comisión de Selección, esta ditará unha resolución en que aprobará e fará pública no portal da internet da Consellería, <https://www.edu.xunta.gal>, a relación provisional de persoas candidatas admitidas e excluídas, coa especificación da/s causa/s de exclusión, das puntuacións provisionais asignadas a cada unha das persoas concursantes, como resultado da aplicación do baremo que figura no anexo III (Baremo) desta orde así como a proposta de adxudicación provisional das prazas.

As persoas interesadas poderán formular renuncia e/ou as reclamacións que consideren, no prazo de tres (3) días hábiles contados desde o seguinte ao da publicación da resolución provisional no portal de internet desta consellería mediante os trámites activados de Alegacións e/ou Renuncia na carpetá cidadá no procedemento normalizado código ED013B.

A estimación ou desestimación das ditas alegacións, así como a aceptación das renuncias, se for o caso, entenderanse implícitas nunha nova resolución da Comisión de Selección que será publicada no citado portal, pola que se aprobarán as listaxes definitivas de persoas candidatas admitidas e excluídas así como o baremo definitivo e a proposta de adxudicación definitiva.

A renuncia á participación no concurso de méritos específico implica a renuncia a todas as peticións formuladas e producirá os efectos previstos no artigo 94 da Lei 39/2015, do 1 de outubro, do procedemento administrativo común das administracións públicas.

Transcorrido este prazo sen que se emende a causa de exclusión e/ou se achegue a documentación preceptiva, considerarase que a persoa interesada desiste da súa petición, nos termos e condicións

establecidos no artigo 68 da Lei 39/2015, do 1 de outubro, do procedemento administrativo común das administracións públicas.

Base décimo terceira. *Resolución definitiva e recursos*

Será seleccionado o persoal participante que acade a maior puntuación para a praza que solicita segundo o baremo establecido no anexo III (Baremo).

No caso de se produciren empates no total das puntuacións outorgadas, estes resolveranse atendendo sucesivamente e por esta orde á maior puntuación nas partes 4, 2, 1 e 3 do baremo do anexo III (Baremo) desta convocatoria.

Se persistise o empate, atenderase á puntuación obtida nas distintas epígrafes que compoñen as anteditas partes, por esta orde. En ambos os dous casos, as puntuacións que se tomen en consideración en cada epígrafe non poderán exceder a puntuación máxima establecida para cada unha delas no baremo.

De resultar necesario, empregárase como criterio de desempate o ano en que se convocou o procedemento selectivo a través do cal se ingresou no corpo e a puntuación pola cal a persoa resultou seleccionada.

A adxudicación de destinos ao persoal funcionario en prácticas farase tendo en conta a puntuación obtida no proceso selectivo e, se é o caso, o número de orde obtido no devandito proceso.

A Comisión de Selección ditará unha resolución en que aprobará e fará pública no portal da internet da Consellería, <http://www.edu.xunta.gal>, a relación definitiva de persoas admitidas e excluídas, coa especificación da/s causa/s de exclusión e das puntuacións definitivas asignadas a cada unha das persoas concursantes na que emitirá unha proposta de adxudicación definitiva dirixida á persoa titular da Consellería de Educación, Ciencia, Universidades e Formación Profesional.

A persoa titular da Consellería de Educación, Ciencia, Universidades e Formación Profesional, coa condición de órgano de resolución desta convocatoria pública, mediante orde, publicará no Diario Oficial de Galicia a resolución definitiva deste concurso na que se reflectirá a adxudicación das persoas seleccionadas de acordo ao seu orde de preferencia e a teor do baremo aplicado.

O prazo máximo para resolver e publicar a resolución definitiva non poderá exceder os cinco meses, contados a partir da data de finalización do prazo de presentación de solicitudes. Transcorrido o dito prazo sen se ditar resolución expresa, as solicitudes poderán entenderse desestimadas por silencio administrativo.

Contra a citada orde pola que se resolve o concurso, que pon fin á vía administrativa, poderase interpor, con carácter potestativo, recurso de reposición, ante a persoa titular da Consellería de Educación, Ciencia, Universidades e Formación Profesional, no prazo dun mes, contado desde o día seguinte ao da súa publicación no Diario Oficial de Galicia, ou directamente recurso contencioso-

administrativo, no prazo de dous meses, ante o xulgado do contencioso-administrativo que resulte competente, conforme o disposto na Lei 29/1998, do 13 de xullo, reguladora da xurisdición contencioso-administrativa.

Base décimo cuarta. Toma de posesión

As persoas seleccionadas deberán incorporarse ás prazas obtidas con data do 1 de setembro do ano 2024, e cesarán no seu destino de procedencia o 31 de agosto do mesmo ano.

As prazas adxudicaranse en réxime de comisión de servizos e con reserva do posto de traballo de orixe, por un período dun ano prorrogable ata que o alumno remate a etapa educativa que cursa e como máximo por un período que, incluída a comisión de servizos inicial e as eventuais prórrogas, non poderá superar os 6 anos de duración, de acordo co disposto no punto 2 do artigo 3 do Decreto 244/1999, do 29 de xullo. A prórroga esixirá petición da persoa interesada no prazo de cinco (5) días hábiles desde a publicación do último concurso xeral de traslados na páxina web desta consellería así como o informe favorable da inspección educativa e, de resultar preciso, informe complementario do equipo de orientación específico.

Disposición adicional primeira

No que atinxe aos servizos docentes prestados a fracción de ano computarase a razón de 0,0416 puntos por cada mes completo.

Disposición adicional segunda

1. No que respecta ás actividades de formación do apartado 4 do anexo III (Baremo):

As actividades de formación do profesorado a partir do 23 de maio de 2013 deberán cumprir co establecido na Orde do 14 de maio de 2013 pola que se regula a convocatoria, o recoñecemento, a certificación e o rexistro das actividades de formación permanente do profesorado en Galicia (DOG n.º 96, do 22 de maio). Quedarán exceptuados deste requisito as actividades de formación específicas recollidas nas epígrafes 4.1 e 4.2.

2. Para os efectos da baremación das epígrafes 4.1 e 4.3 do anexo III (Baremo) sumaranse as horas de todas as actividades, non puntuándose o resto do número de horas inferiores a 10. Cando as actividades veñan expresadas en créditos, entenderase que cada crédito equivale a 10 horas. Para os efectos da baremación das epígrafes 4.2 e 4.4 do anexo III (Baremo) sumaranse as horas de todas as actividades e non se puntuarán o resto de número de horas inferior a 3.

Disposición adicional terceira

Para optar a prazas que requiran o coñecemento de linguaxe de signos as persoas solicitantes deberán posuír o título de técnico superior en interpretación da lingua de signos establecido polo Real decreto 2060/1995, de 22 de decembro (BOE núm. 47, do 23 de febreiro) ou o título de técnico

superior en Mediación Comunicativa establecido polo Real decreto 831/2014, do 3 de outubro (BOE núm. 259, do 25 de outubro) ou o título de intérprete en Linguaxe de Signos Española expedido pola confederación nacional ou pola Federación de Asociacións de Persoas Xordas de Galicia (FAXPG). Na adxudicación das prazas con este requisito terá prioridade o persoal participante que acredite o título de técnico superior.

Para optar a prazas que requiran o coñecemento de Braille as persoas solicitantes deberán acreditar a realización de cursos de Braille organizados pola Organización Nacional de Cegos de España (ONCE) ou por outros organismos oficiais.

Disposición adicional cuarta

1. Para poder obter puntuación por outras titulacións universitarias de carácter oficial, deberá presentarse cantos títulos se posúan, incluído o alegado para ingreso no corpo
2. No que respecta á baremación de titulacións de primeiro ciclo, non se entenderá como tal a superación dalgún dos cursos de adaptación.

Para a valoración da epígrafe 3.4 non se considerarán como títulos distintos as diferentes mencións que se asenten nunha mesma titulación.

Non se valorarán as declaracións de correspondencia de títulos oficiais aos niveis do Marco español de cualificacións para a educación superior, emitidos ao abeiro do disposto no Real decreto 889/2022, do 18 de outubro.

3. Nas epígrafes 3.1, 3.2 e 3.3 soamente se valorará un título por cada unha delas.

Puntuarase neste concurso específico o máster que habilita para o exercicio das profesións de profesor de educación secundaria obrigatoria e bacharelato, formación profesional e ensino de idiomas.

Para os efectos da baremación da epígrafe 3.2, cando se alegue o título de doutoramento non se valorará o título de máster oficial que constituía un requisito de acceso ao doutoramento nin tampouco a suficiencia investigadora nin o certificado-diploma de estudos avanzados.

4. Os títulos universitarios obtidos no estranxeiro deberán estar homologados ou ter sido declarados equivalentes á titulación e nivel universitario oficial, de conformidade co establecido polo Real decreto 889/2022, do 18 de outubro.

5. Non se baremarán como méritos académicos os títulos universitarios non oficiais que conforme o Real Decreto 822/2021, do 28 de setembro, polo que se establece a organización dos ensinos universitarios e do procedemento de aseguramento da súa calidade, sexan expedidos polas universidades no uso da súa autonomía.



Disposición adicional quinta. *Impugnación da convocatoria*

Contra esta orde poderá interpoñerse, ante a persoa titular da Consellería de Educación, Ciencia, Universidades e Formación Profesional, recurso potestativo de reposición no prazo dun mes (1) contado a partir do día seguinte ao da publicación desta orde no *Diario Oficial de Galicia*. Alternativamente, poderá interpoñerse directamente recurso contencioso-administrativo, ante o xulgado do contencioso-administrativo que resulte competente, no prazo de dous (2) meses contados a partir do día seguinte ao da publicación desta orde no *Diario Oficial de Galicia*.

Disposición derradeira primeira. *Desenvolvemento*

Facúltase a persoa titular da Dirección Xeral de Centros e Recursos Humanos para ditar cantas disposicións sexan precisas para o desenvolvemento desta orde.

Disposición derradeira segunda. *Entrada en vigor*

Esta orde entrará en vigor a partir do día seguinte ao da súa publicación no *Diario Oficial de Galicia*.

Asinado electronicamente en Santiago de Compostela

O conselleiro de Educación, Ciencia, Universidades e Formación Profesional

Román Rodríguez González

INSÍRASE NO DOG

O secretario xeral técnico

Manuel Vila López



ANEXO II

Vacantes

Código Praza	Código Centro	Centro	Localidade	Esp	Requisito
150001	15025037	CEIP Sagrada Familia (2)	A Coruña	1 PT	
150002	15005257	IES Ramón Menendez Pidal (2) (10)	A Coruña	1 PT	
150003	15005336	CEE Nosa Señora do Rosario (2)	A Coruña	1 AL	Coñecemento en Linguaxe Natural Asistida e Comunicadores Dinámicos
150004	15024902	CEIP Pl. Wenceslao Fdez Flórez (4) (8)	A Coruña	1 AL	Coñecemento de LSE, Coñecemento de SAAC: Coñecemento de GRID 3
150005	15005521	CEIP Ramón de la Sagra (2)	A Coruña	1 PT afín AL	Coñecemento da metodoloxía TEACCH, Coñecemento de SAAC
150006	15005361	CEIP Rosalía de Castro (2) (3) (4)	A Coruña	1 AL	
150007	15005701	CEIP Pl. San Pedro de Visma (1) (9)	A Coruña	1 AL	Coñecemento de LSE
150008	15005701	CEIP Pl. San Pedro de Visma (1)	A Coruña	1 PT	
150009	15023363	CEIP Pl. Manuel Murguía (2)	A Coruña	1 PT	
150010	15033228	CEIP Pl. Novo Mesoiro (4)	A Coruña	1 AL	Coñecemento de LSE
150011	15004745	CEIP Plurilingüe Anxo da Garda (2) (10)	A Coruña	1 PT	Coñecemento de SAAC
150012	15027770	IES A Sardiñeira (4)	A Coruña	1 PT	Coñecemento de LSE
150013	15023375	CEIP José Cornide Saavedra (2)	A Coruña	1 AL	
150014	15000107	CEIP A Maía (2) (10)	Ames	1 PT afín AL	Coñecemento de SAAC
150015	15000569	CEIP San Xosé Obreiro (8) (10)	Arteixo	1 AL	Coñecemento de SAAC
150016	15001367	CEIP de Abanqueiro (5)	Boiro	1 AL	Coñecemento de Braille
150017	15002165	CEIP Plur. Wenceslao Fernandez Florez (2)	Cambre	1 PT	
150018	15023053	CEIP Portofaro (2)	Cambre	1 PT	
150019	15023077	CEIP Plurilingüe de Gándara-Sofán (4)	Carballo	1 AL	Coñecemento de LSE
150020	15021354	CEIP Bergantiños (1)	Carballo	1 PT	
150021	15027393	CEIP Xesús San Luís Romero (2)	Carballo	1 PT	
150022	15002574	CEIP Fogar (1)	Carballo	1 PT	
150023	15027307	IES Isidro Parga Pondal (1)	Carballo	1 PT	



Código Praza	Código Centro	Centro	Localidade	Esp	Requisito
150024	15002761	CEIP Plurilingüe de Carnota (2) (6) (9)	Carnota	1 AL	Coñecemento de SAAC
150025	15003212	IES Agra de Raíces (2)	Cee	1 PT afín AL	
150026	15003789	CEIP Praia de Quenxe (2)	Corcubión	1 PT	
150027	15033198	CRAA Tarandeira (2)	Coristanco	1 PT itinerante	
150028	15027708	CEIP PL Ría do Burgo (2) (8)	Culleredo	1 PT	
150029	15033149	CEIP PL Vila de Rutis (2) (6)	Culleredo	1 PT afín AL	
150030	15027253	CEIP Isaac Díaz Pardo (2)	Culleredo	1 PT afín AL	
150031	15023405	CPI A Xunqueira (3)	Fene	1 PT	
150032	15022981	CEIP Plurilingüe de Centeiras (2) (6) (8) (11)	Fene	1 AL	Coñecemento Comunicador AsTeRICS GRID.
150033	15006699	CEIP Plurilingüe Angela Ruiz Robles (4) (8)	Ferrol	1 AL	Coñecemento de LSE, Coñecemento de SAAC
150034	15006687	IES Catabois (2)	Ferrol	1 AL	Coñecemento Grid for Ipad
150035	15025566	IES Ferrol Vello (2) (6)	Ferrol	1 PT afín AL	
150036	15024227	CEIP de Pazos (2)	Ferrol	1 AL afín PT	
150037	15021834	CEIP Leticia (2)	Ferrol	1 PT afín AL	
150038	15007400	CEIP de Caión (2)	Laracha	1 PT	
150039	15008805	CEIP Melide 1 (2) (8)	Melide	1 PT	
150040	15025657	IES de Mugar dos (9)	Mugar dos	1 PT	
150041	15009391	CEIP Santiago Apóstolo	Mugar dos	1 AL	
150042	15022310	CEIP A Gándara (2)	Narón	1 PT	
150043	15023508	CEIP Plurilingüe Virxe do Mar (2)	Narón	1 PT	
150044	15022577	CEIP Maciñeira (2)	Neda	1 PT	Coñecemento da metodoloxía TEACCH, Coñecemento de SAAC
150045	15010575	CEIP O Coto (1) (2)	Negreira	1 PT	Coñecemento de SAAC
150046	15010681	CEIP P. Alexandre Rodríguez Cadarso (2)	Noia	1 PT	Coñecemento de SAAC: Coñecemento de GRID
150047	15011026	CEIP Plurilingüe da Rabadeira (2)	Oleiros	1 PT	
150048	15027939	IES Plurilingüe Maruxa Mallo (3) (9)	Ordes	1 PT	
150049	15013199	CEIP PI Salustiano Rey Eiras (2) (3) (8)	A Pobra do Caramiñal	1 AL afín PT	Coñecemento de SAAC
150050	15026194	CEIP A Fraga (10)	Pontedeume	1 AL	



Código Praza	Código Centro	Centro	Localidade	Esp	Requisito
150051	15013928	CEIP Plurilingüe Sobrado-Nebra (2)	Porto do Son	1 PT afín AL	Itinera co CEIP de Portosin (15025062)
150052	15014544	CEIP O Grupo (1) (2)	Ribeira	1 PT	
150053	15021731	CEIP Frions (2) (10)	Ribeira	1 PT	Coñecemento de SAAC
150054	15014465	CEIP Palmeira (2) (3) (8)	Ribeira	1 AL afín PT	Coñecemento de SAAC
150055	15022589	CEIP Lamas de Abade (2)	Santiago de Compostela	1 PT afín AL	Coñecemento de SAAC
150056	15015743	IES Arcebispo Xelmírez I (3) (9)	Santiago de Compostela	1 AL	Coñecemento de SAAC: Coñecemento de GRID Coñecemento de Tobii con recursos dixitais como Balabolka, Xeoxebra, Word, Power Point.
150057	15015998	CEIP Ramón Cabanillas (8)	Santiago de Compostela	1 AL	Coñecemento de SAAC
150058	15016292	CEIP P Mestre Rodríguez Xixirei (2)	Santiago de Compostela	1 AL afín PT	
150059	15027332	CEIP Fontiñas (3) (8)	Santiago de Compostela	1 AL	Coñecemento de IRIISBOND
150060	15017041	CEIP A Igrexa-Calo (2)	Teo	1 PT	
150061	15017107	CEIP Plurilingüe da Ramallosa (2)	Teo	1 PT	
150062	15018471	CEIP Ortigueira (9)	Vedra	1 AL afín PT	Coñecemento de SAAC
270001	27001440	CEIP Xosé Luís Taboada (2)	Carballedo	1 PT	Coñecemento de SAAC: programa Eneso Verbo
270002	27015751	CEIP Plurilingüe Vista Alegre (2)	Burela	1 AL	Coñecemento de SAAC
270003	27015751	CEIP Plurilingüe Vista Alegre (1)	Burela	1 PT	
270004	27001816	CEIP Veleiro do Campo (2)	Castro de Rei	1 AL	
270005	27002249	CPI Castroverde (2) (6) (11)	Castroverde	1 AL	
270006	27020859	CEIP Península da Paz (2)	Cervo	1 AL	Coñecemento de SAAC
270007	27015301	CEIP de Cervo (2)	Cervo	1 AL	Coñecemento de SAAC
270008	27012450	CPI Plurilingüe Dr. López Suárez (2) (10)	O Saviñao	1 AL	Coñecemento de SAAC
270009	27016391	CEIP O Cantel (9)	Foz	1 AL	
270010	27016467	CEIP Menéndez Pelayo (2)	Lugo	1 AL	Coñecemento de SAAC: Coñecemento de GRID 3
270011	27006395	CEIP Plurilingüe Benigno Quiroga Ballesteros (4)	Lugo	1 AL	
270012	27014665	CEIP Luís Pimentel (2) (10)	Lugo	1 AL afín PT	Coñecemento de SAAC: programa Eneso Verbo
270013	27006334	CEIP das Mercedes (2)	Lugo	1 AL	Coñecemento de SAAC: programa Eneso Verbo



Código Praza	Código Centro	Centro	Localidade	Esp	Requisito
270014	27016728	CEIP Illa Verde (9)	Lugo	1 AL	Coñecemento de SAAC: Coñecemento de GRID 3
270015	27006383	CEIP A Ponte (1) (11)	Lugo	1 PT	
270016	27016704	IES Leiras Pulpeiro (2)	Lugo	1 AL	
270017	27014860	CEIP Plurilingüe A Gándara (2)	Monforte de Lemos	1 AL	
270018	27016662	CEIP Plurilingüe de Monforte de Lemos (2)	Monforte de Lemos	1 PT afín AL	
270019	27016662	CEIP Plurilingüe de Monforte de Lemos (2)	Monforte de Lemos	1 AL	
270020	27008513	CEIP Laverde Ruíz (1) (2) (10) (11)	Outeiro de Rei	1 AL afín PT	
270021	27010891	CEIP Plurilingüe Gregorio Sanz (9)	Ribadeo	1 AL	Coñecemento de SAAC: Coñecemento de GRID 3
270022	27010891	CEIP Plurilingüe Gregorio Sanz (9)	Ribadeo	1 PT	
270023	27014082	EEI Xela Arias (10)	Sarria	1 AL	Coñecemento de SAAC
270024	27014094	EEI de Vilalba (9)	Vilalba	1 PT	
270025	27016674	CEP Lois Tobío (9)	Viveiro	1 AL	
320001	32010121	CEIP Roberto Blanco Torres (6)	A Peroxa	1 PT	
320002	32000356	CEIP Plurilingüe Ramón Otero Pedrayo (1) (10)	Amoeiro	1 PT	
320003	32000708	CEIP Virxe de Guadalupe (10) (11)	Avión	1 PT	Coñecemento da metodoloxía TEACCH, Coñecemento de SAAC
320004	32002122	CEIP Nosa Sra. De Xuencos (1) (2)	Boborás	1 PT	Coñecemento da metodoloxía TEACCH
320005	32002951	CEIP Plurilingüe Calvo Sotelo (2)	Carballiño O	1 PT	Coñecemento da metodoloxía TEACCH
320006	32015682	CEIP Plurilingüe Raúl Fernández (3) (9)	Castrelo do Val	1 PT afín AL	Coñecemento de SAAC: Coñecemento de GRID 3
320007	32016625	IES Celso Emilio Ferreiro (2)	Celanova	1 PT afín AL	Coñecemento da metodoloxía TEACCH, Coñecemento en CAA, Coñecemento en comunicadores dinámicos
320008	32003771	CEIP Plurilingüe Curros Enríquez (8)	Celanova	1 PT afín AL	Coñecemento da metodoloxía TEACCH, Coñecemento de SAAC (PECS), Coñecemento de GRID3, Coñecemento de LSE



Código Praza	Código Centro	Centro	Localidade	Esp	Requisito
320009	32015918	CEIP Carmen García Carrasco (2) (10) (11)	Cenlle	1 PT afín AL	Coñecemento da metodoloxía TEACCH, Coñecemento de SAAC
320010	32004398	CEIP Vicente Risco (2)	Cualedro	1 AL afín PT	
320011	32006929	CPI Terras de Maside (4) (10)	Maside	1 AL	Coñecemento de LSE
320012	32008768	CEIP O Couto (1) (8)	Ourense	1 PT	
320013	32015219	CEIP Manuel Sueiro (2)	Ourense	1 PT afín AL	Coñecemento de GRID 3
320014	32009360	CPI Purilingüe José García (2) (3)	Ourense	1 AL afín PT	Coñecemento de SAAC: Coñecemento de GRID 3 e TOBII
320015	32008793	CEIP Manuel Luis Acuña (1) (10)	Ourense	1 PT afín AL	
320016	32015220	CEIP Vistahermosa (2)	Ourense	1 PT	
320017	32008847	CEIP Plurilingüe Amadeo Rodríguez Barroso (2)	Ourense	1 PT	
320018	32015177	CPI de Padrenda Crespos (2) (6)	Padrenda	1 PT afín AL	
320019	32016029	CEIP Plurilingüe Ben-Cho-Shey (2)	Pereiro Aguiar	1 AL afín PT	Coñecemento de SAAC: Coñecemento de GRID 3
320020	32015921	CEIP Plurilingüe Lanbriscaes (2)	San Amaro	1 PT afín AL	Coñecemento de GRID 3
320021	32004829	CEIP Rosalía de Castro (8) (10)	Xinzo de Limia	1 AL	Coñecemento de SAAC: Coñecemento de Asterics Grid
320022	32014801	IES Cidade de Antioquía (1) (8)	Xinzo de Limia	1 PT	Formación en contención
320023	32015232	IES Lagoa de Antela (8)	Xinzo de Limia	1 AL afín PT	Coñecemento da metodoloxía TEACCH
320024	32004830	CEIP Carlos Casares de Xinzo (4) (5) (8)	Xinzo de Limia	1 PT afín AL	Coñecemento da metodoloxía TEACCH, Coñecemento de SAAC
320025	32005691	CEIP Padre Crespo (2) (6) (10)	Xunqueira de Ambía	1 AL afín PT	Coñecemento de GRID 3
360001	36002347	CEIP Pérez Viondi (8)	A Estrada	1 PT afín AL	Coñecemento de SAAC
360002	36016966	CEP Carlos Casares (2)	Salvaterra de Miño	1 PT	
360003	36005555	Ceip Marquesa do Pazo da Mercé (2) (9)	As Neves	1 AL	



Código Praza	Código Centro	Centro	Localidade	Esp	Requisito
360004	36000648	CEIP Plurilingüe Enrique Barreiro Piñeiro (2)	Cambados	1 PT	Itinera con CEIP de Corvillón (36016103)
360005	36015093	CEIP San Tomé (2)	Cambados	1 PT	Coñecemento de SAAC
360006	36015950	CEIP Pl. da Espiñeira-Aldán (1) (2)	Cangas	1 PT	
360007	36001550	CEIP Plurilingüe de Carballedo (2) (3) (5) (6) (8)	Cerdedo-Cotobade	1 PT	Coñecemento de GRID
360008	36001252	CPI do Progreso (2) (10)	Catoira	1 PT	Coñecemento da metodoloxía TEACCH
360009	36003662	CEIP. Plurilingüe Chano Piñeiro (1) (2) (8) (10)	Gondomar	1 PT	Coñecemento da metodoloxía TEACCH, Coñecemento de SAAC, Coñecemento de prácticas restaurativas
360010	36018631	CEP Xosé Neira Vilas(1) (2) (7) (8) (11)	Gondomar	1 AL	Coñecemento da metodoloxía TEACCH, Coñecemento de SAAC, Coñecemento de prácticas restaurativas
360011	36014672	CEIP Serra-Vincios (2) (6) (10) (11)	Gondomar	1 PT afín AL	Coñecemento da metodoloxía TEACCH, Coñecemento de SAAC, Coñecemento de GRID
360012	36004484	CEIP Plurilingüe da Laxe (2) (10)	Marín	1 AL	
360013	36004496	CEIP de Sequelo-Marín (2) (5) (6)	Marín	1 PT afín AL	
360014	36004681	CEIP de Seixo (1) (2) (4)	Marín	1 AL	
360015	36004691	CEIP de Coirón-Dena (1) (2) (6)	Meaño	1 PT	
360016	36016590	CEIP Abelendo (2) (1) (10)	Moaña	1 PT	
360017	36004927	CPI de Mondariz (2)	Mondariz	1 PT	
360018	36000326	CEIP Plurilingüe Montemogos (1) (2) (3) (6)	Montemogos	1 AL afín PT	
360019	36005245	CEIP Mestre Martínez Alonso (2)	Mos	1 AL	
360020	36007199	CEIP Pl. Isidora Riestra (2) (10)	Poio	1 AL	
360021	36007497	CEIP P. Nosa Señora dos Remedios (1) (2) (6) (8)	Ponteareas	1 PT	Coñecemento da metodoloxía TEACCH
360022	36007539	CEIP Fermín Bouza Brey (2) (8)	Ponteareas	1 PT	
360023	36006377	CEIP. Álvarez Limeses (2)	Pontevedra	1 PT	Coñecemento de SAAC
360024	36007035	CPI Domingo Fontán (8) (1) (2)	Portas	1 PT	
360025	36014817	CEIP Plurilingüe Igrexa-Chapela (2)	Redondela	1 PT	Coñecemento de SAAC



Código Praza	Código Centro	Centro	Localidade	Esp	Requisito
360026	36007709	CEIP Plurilingüe Reboreda (8)	Redondela	1 PT	
360027	36020325	IES Illa de San Simón (4)	Redondela	1 PT	Coñecemento de LSE
360028	36018410	CEIP Plurilingüe Quintela (1)	Redondela	1 PT	
360029	36008489	CEP Altamira (8)	Salceda de Caselas	1 AL	
360030	36008751	CEIP Plurilingüe Infante Felipe de Borbón (6)	Salvaterra de Miño	1 AL	
360031	36014738	CEIP Plurilingüe de Leirado (2) (6)	Salvaterra de Miño	1 PT afin AL	
360032	36025013	CEIP Manuel Padín Truiteiro (2) (8) (10)	Soutomaior	1 PT	
360033	36009962	CEIP Plurilingüe Otero Pedrayo. (2) (9) (11)	Vigo	1 PT afin AL	Coñecemento da metodoloxía TEACCH. Require traballo psicomotor importante (uso forza para desprazamentos)
360034	36015627	CEIP Plurilingüe García Barbón (2)	Vigo	1 PT	
360035	36010162	CEIP Canicouva (8)	Vigo	1 PT	
360036	36015251	CEIP Pl. Frián-Teis (8)	Vigo	1 AL	
360037	36010629	CEIP Vicente Risco (10)	Vigo	1 AL afin PT	Coñecemento de SAAC
360038	36010423	CEIP Valle Inclán (1)	Vigo	1 PT	
360039	36010484	EEI Vila Laura (2) (6)	Vigo	1 AL	Coñecemento de SAAC
360040	36010125	CEIP de Fonte Escura (3)	Vigo	1 PT	
360041	36010125	CEIP de Fonte Escura (3)	Vigo	1 AL	
360042	36010125	CEIP de Fonte Escura (2)	Vigo	1 PT	
360043	36010125	CEIP de Fonte Escura (2)	Vigo	1 AL	
360044	36010711	CEP Dr Fleming (2) (3) (8)	Vigo	1 PT	Coñecemento da metodoloxía TEACCH
360045	36010711	CEP Dr Fleming (2) (3) (8)	Vigo	1 PT	Coñecemento da metodoloxía TEACCH
360046	36010711	CEP Dr Fleming (2) (3) (8)	Vigo	1 PT	Coñecemento da metodoloxía TEACCH
360047	36016991	CEP Plurilingüe de Riomarior (2) (8) (10)	Vilaboa	1 AL	Coñecemento de SAAC
360048	36019451	CEIP A Escardia (6) (8)	Vilagarcía de Arousa	1 PT	Coñecemento da metodoloxía TEACCH
360049	36012742	CEIP Plurilingüe de Vilaxoán (1)(2)	Vilagarcía de Arousa	1 PT	Coñecemento da metodoloxía TEACCH
360050	36012742	CEIP Plurilingüe de Vilaxoán (1)(2)	Vilagarcía de Arousa	1 AL	Coñecemento da metodoloxía TEACCH



- (1) Trastornos graves de conduta
- (2) Trastorno do espectro do autismo
- (3) Discapacidade motora
- (4) Discapacidade sensorial (hipoacusia)
- (5) Discapacidade sensorial visual
- (6) Discapacidade intelectual
- (7) Altas capacidades
- (8) Pluridiscapacidade
- (9) Discapacidade física asociada a dificultades graves da linguaxe
- (10) Trastornos da comunicación
- (11) Atraso psicomotor e discapacidade cognitiva

ANEXO III

Baremo

Méritos	Total puntos máximo
1.- Antigüidade Por cada ano de servizos efectivos prestados en situación de servizo activo como persoal funcionario docente no corpo de mestres: 0,50 puntos por ano e 0,0416 por cada mes.	6 puntos
2.- Servizos Servizos prestados na especialidade de Pedagogía terapéutica ou na de Audición e linguaxe: 2.1.-Por cada ano de servizos efectivos prestados en situación de servizo activo como persoal funcionario docente na especialidade de Pedagogía Terapéutica cando a praza que se solicite sexa desta especialidade: 0,50 puntos por ano e 0,0416 por cada mes. 2.2.-Por cada ano de servizos efectivos prestados en situación de servizo activo como persoal funcionario docente na especialidade de Audición e linguaxe cando a praza que se solicite sexa desta especialidade: 0,50 puntos por ano e 0,0416 por cada mes.	6 puntos
3.- Méritos académicos: 3.1.- Polo título de doutoramento: 2 puntos.	6 puntos



Méritos	Total puntos máximo
<p>3.2.- Polo título universitario oficial de máster, para cuxa obtención se exixisen, polo menos 60 créditos: 1,50 puntos.</p> <p>3.3.- Polo recoñecemento de suficiencia investigadora ou o certificado-diploma de estudos avanzados: 1 punto.</p> <p>3.4.- Por cada título de grao distinto do alegado para o ingreso no corpo: 0,50 puntos.</p> <p>3.5.- Por cada titulación de segundo ciclo: 0,50 puntos.</p> <p>3.6.- Por cada titulación de primeiro ciclo distinta da alegada para o ingreso no corpo: 0,25 puntos.</p>	
<p>4.- Actividades de formación</p> <p>4.1.- Por actividades superadas de formación específica directamente relacionadas coas necesidades educativas especiais (0,2 puntos por cada 10 horas): ata 4 puntos.</p> <p>4.2.- Por actividades impartidas de formación específica directamente relacionadas coas necesidades educativas especiais (0,2 puntos por cada 3 horas): ata 2 puntos.</p> <p>4.3.- Por actividades superadas e non baremadas na epígrafe 4.1 que teñan por obxecto o perfeccionamento sobre aspectos científicos e didácticos das especialidades do corpo de mestres ou relacionadas coa organización escolar ou coas tecnoloxías aplicadas á educación, organizadas polas administracións educativas que se atopen en pleno exercicio das súas competencias en materia educativa, por institucións sen ánimo de lucro que fosen homologadas polas administracións precitadas, así como as organizadas polas universidades (0,10 puntos por cada 10 horas de actividades de formación acreditadas): ata 2 puntos.</p> <p>4.4.- Por actividades de formación impartidas e non baremadas na epígrafe 4.2 (0,10 puntos por cada 3 horas de formación acreditadas): ata 1 punto.</p>	9 puntos